

據其哀感靈祥疇能殫記唐高僧傳

此二驗出

### 法苑珠林卷第八十三

府三

鴟瓦反之篋反里之韁君良反軫良反丁範食族反餒於反咷食尹反盜力沾反他計颯蘇合捐反七入稿斯氏 斧切之忍蘇困反

慧根非靜不發故經曰深修禪定得五神通  
心在一緣是三昧相書亦有言當使形如枯  
木心若死灰不充掘於富貴不墮懷於貧賤  
便是功德叢林散意片時即名煩惱羅刹所  
以曇光釋子降猛虎於膝前螺髻仙人宿巢  
禽於頂上是知大士常脩宴坐不斷煩惱而  
入涅槃不捨道法現凡夫事又能觀察此身  
從頭至足三十六物八萬戶虫不淨無常苦  
空非我但衆生心性譬如猕猴戲跳攀緣歡  
娛奔逸不能冥目束體端心勤意綱強難化  
懶戾不調習近五塵流轉三界黏外道之縲

### 法苑珠林卷第八十四六度之五

府四

大唐上都西明寺沙門釋道世玄惲撰

#### 禪定部第五此別

述意部 引證部 頭陁部 利益部 定障部

述意部第一 夫神通勝業非定不生無漏

貫天魔之杖於是永淪苦海長墜嶮獄皆由  
放散情慮擾亂心神似風裏之燈譬波中之  
月搖漾輕動浮游沉濫影既不現照豈得明  
所以衆惡賴此而興諸善由斯併廢良由不  
脩斷惑常起貪瞋未服無知偏多樂受遂令  
障定之惑重沓爭來妨靜之緣交加竟集五

蓋覆心禪門已閉六塵在念亂想常馳類狂象之無鉤似戲猿之得樹故須念念築心新新集起豈前念皆惡遂剋苦而靜塵後念起善便縱意而揚惡所以論美四時經歎一慮然後方能正想革絕凡懷若違此理聖亦不可今萬境森羅不能自觸要須因倚諸根內

想感發何以知然今有心感於內事發於外感緣於外起染於內故知內外相資表裏通用君臣心識不可備捨故經云心王正則六臣不邪識意昏沉則其主不明今悔六臣當各慚愧制馭六根不令馳散也

引證部第二 如法句經心意品說云昔佛

在世時有一道人在河邊樹下學道十二年中貪想不除走心散意但念六欲目色耳聲鼻香口味身受心法身靜意遊曽無寧息二年中不能得道佛知可度化作沙門往至其所樹下共宿須臾月明有龜從河中出來至樹下復有水狗飢行求食與龜相逢便欲

朱林合

二

敢龜龜縮其頭尾及其四脚藏於甲中不能得噉水狗小遠復出頭足行步如故不能柰何遂使得脫於是道人問化沙門此龜有護命之鎧水狗不能得其便化沙門答言吾念世人不如此龜不知無常放恣六情外魔得便形壞神去生死無端輪轉五道苦惱百千皆意不造宜自勉勵求滅度安於是化沙門即說偈言

藏六如龜 防意如城 慧與魔戰勝 則無患  
又求離牢獄 經云時有阿育王弟名善容跡  
達施入山遊獵見諸梵志裸形苦行而無所得  
王弟見而問曰汝在此行道有何患累而無成辦梵志報曰坐有群鹿數共合會我見心動不能自制王子聞已尋生惡念此等梵志服風食氣氣力羸憊猶有媱欲過患不除釋子沙門飲食甘美在好牀坐衣服隨時香華自重豈得無欲時阿育王聞弟有此議論即

當方宜除其惡念即還宮內勑諸伎女各自嚴粧至善容所共相娛樂預勑大臣吾有所聞若我勑卿殺善容者卿等便諫須待七日隨王殺之時諸伎女即往娛樂未經時頃王躬自往語弟云何爲將吾伎女妻妾恣意自娛奮其威怒以輪擲空召諸大臣即告之曰

麻未全三

卿等知不吾未衰老亦無外寢強敵來侵境者吾曾聞古昔諸賢有此謠言夫人有福四海歸伏盡其德薄肘腋叛離如我自察未有斯變然我弟善容誘吾伎女妻妾縱情自恣事既如是豈有我乎汝等將去詣市殺之諸臣諫曰唯願大王聽臣微言唯有此一第又少息胤無繼嗣者願聽七日爲王求依王命時王默然聽臣所諫王復寬恩勑語諸臣命聽王子著吾服飾天冠威容如吾不異內吾宮裏作唱伎樂共娛樂之復勑一臣今日始著鎰持杖拔好利劍往語善容王子曰知期七日終止余當到怒力開割五欲自娛今不

自適死後有悔恨亦無益一日過已臣復往語餘有六日如是次第乃至一日臣往白言王子當知六日已過唯明日在當就於死怒力恣情五欲自娛至七日到王遣使問云何王子七日之中意志自由快樂不乎弟報王曰大王當知不見不聞有何快樂王問弟曰著吾服飾入吾宮殿衆伎自娛食以甘美何以面欺不見不聞不快樂耶弟白王言應死之人雖未命絕與死何異當有何情著於五欲王告弟曰咄愚所啓汝今一身憂慮百端一身斷滅在欲不樂豈況沙門憂念三世一身死壞復受一身億百千世身身受苦無量患惱雖出爲人與他走使或生貧家衣食窮乏念此辛酸故出家爲道求於無爲度世之要設不精勤當復更歷劫數之苦是時王子心開意解前白王言今聞王教乃得惺悟生老病死實可厭患愁憂苦惱流轉不息唯願大王見聽爲道謹慎修行王告弟曰宜知是

時弟即辟王出爲沙門奉持禁戒晝夜精勤  
遂得阿羅漢果六通清徹無所罣礙又阿育  
王傳云阿育王聞弟得道深心歡喜稽首礼  
敬請長供養既厭世苦不樂人間誓依林野  
以養餘命阿育王既使鬼神於自城內爲造  
府山水高數十丈斷絕人物不得往來乃應王

朱六十四

四

命率捨衣資造石像一軀身高丈六即於山  
龕石室供養其弟此山及像今並在焉

頭陁部第三 夫五欲蓋纏並是禪障既能  
除棄其心寂靜堪能修道故此章內具明十  
二頭陁之行少欲知足無過此等西云頭陁  
此云抖擻能行此法即能抖擗煩惱去離貪  
著如衣抖擻能去塵垢是故從喻爲名故頭  
陁經論別明各云十二通別總論合有十六  
如衣中有四食中有六處中有六故合十六  
衣中四者一糞掃衣二毳衣三納衣四三衣  
食中有六者一乞食二次第乞食三不作餘  
食法食四一坐食五一團食亦名節量食六

中後不飲漿處中六者一阿蘭若處二在家  
間三在樹下四在露地五是常坐六是隨坐  
就此十六隱顯離合故說十二如衣中四者  
依四分律及智度論同唯說二一著納衣二  
著三衣不論餘二依涅槃經衣中說三一著  
糞掃衣二著毳衣三畜三衣不論納衣食中

府

五

六者涅槃說三所謂乞食一坐食一團食所  
以不說次第乞者以能如法乞食之時必有  
次第故不別說但能一團一坐食自然不作  
餘食法中後飲漿故不別說四分律中說食  
有四三種同前加次第乞智度論中說食有  
五不說不作餘食法食處中六者依智度論

朱林音

五

說五除却隨坐涅槃及律皆具說六今依諸  
部通有十六也又十住毗婆沙論十二頭陁  
名體稍別一盡形乞食二受阿練若三著糞  
掃衣四一坐食五常坐六食後不受非時飲  
七但有三衣八毳衣九隨敷坐十樹下住十  
一空地住十二死人間住第一盡形乞食有

十種利一所用活命自屬不屬他二衆生施我食者令供三寶然後當食三若有施我食者當生悲心我當勸進令善住施作已乃食四隨順佛教故五易滿易養六行破憍慢法七無見頂善根八見我乞食餘食修善法者亦當効我九不與男子大小有諸因緣事十次第乞食故於衆生中生平等心即種助一切智第二受阿練若處亦有十利一自在來去二無我無我所三隨意所住無有障礙四心轉樂習阿練若住處五住處少欲少事六不惜身命爲具足功德故七遠離衆閑語故八雖行功德不求恩報九隨順禪定易得一心十於空處住易生無障礙想第三著糞掃衣亦有十利一不以衣故與在家者和合二不以衣故現乞衣相三亦不方便說得衣相四不以衣故四方求索五若不得衣亦不憂六得亦不喜七賤物易得無有過患八順行初受四依法九入在簷衣數中十不爲人所

貪著第四一坐食亦有十利一無有求第二食疲苦二於所受輕少三無有所用疲苦四食前無疲苦五入在細行食法六食消後食七少妨患八少疾病九身體輕便十身受快樂第五常坐亦有十利一不貪身樂二不貪眠睡樂三不貪卧具樂四無卧時脇著席苦五不隨身欲六易得坐禪七易讀誦經八少睡眠九身輕易起十求坐卧具衣服心薄第六食後不受非時飲亦有十利一不多食二不滿食三不貪美味四少所求欲五少妨患六少疾病七易滿八易養九知足十坐禪讀經身不疲極第七但有三衣亦有十利一於三衣外無求受疲苦二無有守護疲苦三所畜物少四唯身所著爲足五細戒能行六行來無累七身體輕便八隨順阿練若處住九處處所往無所顧惜十隨順道行第八受毳衣亦有十利一在簷衣數二少所求索三隨意可坐四隨意可卧五浣濯則易六染時

附

卷八十四

六

亦易七少有虫壞八難壞九更不受餘衣十不失求道第九隨坐亦有十利一無求好精舍住疲苦二無求好坐卧具疲苦三不憚上座四不令下座愁惱五少欲六少事七隨得而用八少用則少務九不起諍訟因緣十不奪他所用第十樹下坐亦有十利一無有求

房舍疲苦二無有求坐卧具疲苦二無有所愛疲苦四無有受用疲苦五無處名字六無關諍事七隨願四依法八少而易得無過九隨順修道十無衆鬧行第十一死人間住亦有十利一常得無常想二常得死想三常得不淨想四常得一切世間不可樂想五常得遠離一切所愛人六常得悲心七遠離戲調八常厭離九勤行精進十能除怖畏第十空地坐亦有十利一不求樹下二遠離我所有三無有諍訟四若餘去無所顧惜五少戲調六能忍風雨寒熱蚊蟲毒虫等七不爲音聲刺棘所刺八不令衆生瞋恨九自亦無

齊

卷六十四

七

有愁恨十無衆鬧行處 又寶梁經云佛告迦葉比丘若欲至阿蘭若處當思八法何等爲八一我當捨身二應當捨命三當捨利養四離一切所受樂處五於山間死當如鹿死六阿蘭若處受阿蘭行七當以法自活八非以煩惱自活 利益部第四

如大寶積經云菩薩修定復有十法不與二乘共何等爲十一修定無有吾我具足如來諸禪定故二修定不味不著捨離深心不求己樂三修定具諸通業爲知衆生諸心行故四修定爲知衆生心度脫一切諸衆生故五修定行於大悲斷諸衆生煩惱結故六修定諸禪三昧善知入出過於三界故七修定常得自在具足一切諸善法故八修定其心寂滅勝於二乘諸禪三昧故九修定常入智慧過諸世間到彼岸故十修定能興正法紹隆三寶使不斷絕故如是定者不與聲聞辟支佛共 又六度集經云復有四種禪定具足

智慧何等爲四一常樂獨處二常樂一心三求禪及通四求無礙佛智 又月燈三昧經云佛言若有菩薩住於宴坐有十種利益何等爲十一其心不濁二住不放逸三三世諸佛愛念四信正覺行五於佛智不疑六知恩報恩七不謗正法八善能防禁九到調伏地十證四無礙智 又佛言若有菩薩愛樂空閑有十種利益何等爲十一省世事務二遠離衆閑三無有違諍四住無惱處五不增有漏六不起諍訟七安住靜默八隨順相續解脫九速證解脫十少施功而得三昧 又佛言若有菩薩能與禪相應有十種利益何等爲十一

安住儀式二行慈境界三無諸悔熱四守護諸根五得食喜樂六遠離愛欲七脩禪不空八解脫魔縛九安住佛境十解脫成熟

又佛言若有菩薩樂於頭陀乞食有十種利益何等爲十一摧我憮憊二不求親愛三不爲名聞四住在聖種五不誦不詎不現異相

府

朱十四

又不憊惱六不自高舉七不毀他人八斷除愛恚九若入人家不爲飲食而行法施十有所說法爲人信受又智度論云三昧有二種一佛二菩薩是諸菩薩於菩薩三昧中得自在非佛三昧如諸佛要集經中說云文殊尸利欲見佛集不能得到諸佛各還本處文殊尸利到諸佛集處有一女人近彼佛坐入於三昧文殊尸利入禮佛足已白佛言去何此女人得近佛坐而我不得佛告文殊尸利汝覺此女人令從三昧起汝自問之文殊尸利即彈指覺之而不可覺以大聲喚亦不可覺捉手牽亦不可覺又以神足動大千世界猶亦不覺文殊尸利白佛言世尊我不能令覺是時佛放大光明照下方世界是中有一菩薩名棄諸蓋即時從下方出來到佛所頭面禮佛足在一面立佛告棄諸蓋菩薩發覺此女人即時彈指此人從三昧起文殊尸利白佛以何因緣我動三千大千世界不能令此女

起棄諸蓋菩薩一彈指便從三昧起佛告文  
殊尸利汝因此女人初發菩提意是女人因  
棄諸蓋菩薩初發菩提意以是故汝不能令  
覺汝於諸佛三昧中功德未滿是棄諸蓋菩  
薩於三昧中得自在佛三昧中始少多入而  
未得自在故耳

定障部第五

朱林十四

九

如禪祕要經云阿練若比丘因五種事發狂  
一者因亂聲二者因惡名三者因利養四者

因外風五者因內風尔時世尊而說呪曰

南無佛陀 南無達摩 南無僧伽 南無

摩訶梨 師毗闍羅闍 謩咄佛陀 婆

滿駄吠闍邏翅火驗佛陀邏崛茶誓茶 遮利

遮利 摩訶遮利呼摩利 吼摩勒翅火驗

悉耽鞞闍阿闍鞞利 究寂寂翅火驗薩

婆陀羅尼翅火驗阿扇火驗提摩俱 應詣

吁彌吁彌摩吁 摩吁 摩婆嚙呵

尔時世尊說此呪已告舍利弗如此神呪過

去無量諸佛所說我今現在亦說此呪未來

弥勒賢劫菩薩亦當宣說如此神呪功德如  
自在天能令後世五百歲中諸惡比丘得淨  
心意調和善治四大增損亦治心內四百四  
病四百四脉所起壞界九十八使性欲種子  
亦治業障犯戒諸惡永盡無餘此名善治七  
十二種病憂惱佛陀羅尼亦名拔五種陰無明

根本佛陀羅尼亦名現前見一切佛及諸聲聞  
爲說真法破諸結使

感應緣略引六驗

晉沙門支曇蘭 宋沙門釋玄高

宋沙門釋普恒 齊沙門釋僧稠

隋沙門釋法進 唐沙門釋慧融

晉始豐城山有支曇蘭青州人蔬食樂禪讀

誦三十萬言晉太元中遊剡後憩始豐赤城  
山見一處林泉清曠而居之經于數日忽見  
一人長數丈呼蘭令去又見諸異形禽獸以  
恐蘭見蘭恬然自得乃屈膝而禮拜云珠欺  
王是家舅今往韋鄉山就之推此處以相奉  
余後三年忽聞車騎隱隱從者彌峯俄而有

人著幘稱珠歎王通既前從其妻子男女等二十三人並形貌端正有逾於世既至蘭所暄涼訖蘭問住在何處答云樂安縣韋鄉山久服夙問今與家累仰投乞受歸戒蘭即授之受法竟賸錢一萬審二器辭別而去便聞鳴笳動吹響振山谷蘭禪衆十餘共所聞見

府朱林八十四十

晉元熙中卒於山室春秋八十有三矣

宋僞魏平城有釋玄高姓魏本名靈育馮翊萬年人也母竇氏本信外道始適魏氏首孕一女即高之長姊生便信佛乃爲母祈願願門無異見得奉大法母以僞秦弘始三年夢見胡僧散華滿室覺便悟胎至四年二月八日生男家內忽有異香及光明照壁迄旦乃息母以兒生瑞兆因名靈育時人重之復稱世高年十二辭親入山父之未許異日有一書生寓高家宿云欲入中常山隱父母即以高憑之是夕咸見村人共相祖送明日村人並來候高父母云昨已相送今復覓耶村人

云都不知行豈容已送父母方悟昨之迎送乃神人也高旣背俗乖世改名玄高聰敏生知學不加思至年十五已爲山僧說法受戒已後專精禪律聞關中有浮屠跋禪師在石羊寺弘法高往師之旬日之中妙通禪法跋陁歎曰善哉佛子乃能深悟如此於是昇顏推遜不受師禮高乃築杖西秦隱居麥積山山學百人崇其義訓稟其禪道時有長安沙門釋曇弘秦地高足隱在此山與高相會以同業友是時乞佛蠟槃跨有隴西接涼土常有學徒三百餘人有玄紹者秦州隴西人學究諸禪神力自在手指出水供高洗漱其

府朱林八十四  
水香淨倍異於常每得非世華香以獻三寶靈異如紹者又十一人紹後入堂術山蟬蛻而逝後共曇弘乃向河南國王及臣民近道候迎內外敬奉崇爲國師河南化畢進遊涼土沮渠蒙遜深相敬事集會英賓發高勝解時西海有樊僧印亦從高受學志狹量褊得

少爲足便謂已得羅漢。頗盡禪門。高乃密以神力令印於定中。備見十方無極世界諸佛。所說法門不同。印於一夏。尋其所見。永不能盡。方知定水無底。大生鬼懼。時魏虜託跋燾。僭據乎城。軍侵涼境。燾舅陽平王杜。請高同還。僞都旣達平城。大流法化。僞太子託跋晃事高爲師。晃一時被讒爲父所疑。乃告高曰。空羅枉苦。何由得脫。高令作金光明齋。十日懇懺。燾乃夢見其祖及父。皆執劔烈威。問汝何故信纔言枉。疑太子燾驚寤。大集群臣。說神告以所夢。諸臣咸言太子無過。實如皇靈降誥。燾於太子無復疑焉。蓋高誠感之力也。

時崔皓寂天師並先得寵於燾。恐晃慕承之。日奪其威柄。乃譖云。太子前事實有謀心。但結高公道術。故令先帝降夢。如比物論事迹。稍刑若不誅除。必爲巨害。燾遂納之。勃然大怒。即勑收高。高先嘗密語弟子云。佛法應衰。吾與崇公當其禍首。于時聞者。莫不慨然。時學共泣曰。法今既滅。頗復興不如脫。更興請和。上起坐和上德匪常人。必當照之矣。言畢。高兩眼稍開光色。還悅體通汗香。須臾起坐。謂弟子曰。大法應化隨緣。盛衰在述理。恒湛然。但念汝等不久復應如我耳。唯有玄暢當得南度。汝等死後。法當更興。善自修心。無令

中悔言已便卧即絕也明日遷柩欲閣維之國制不許於是營頓即定道俗悲哀號泣望斷有沙門法達爲僞國僧正欽高日久未獲受業忽聞殂化因而哭曰聖人去世當復何依累日不食常呼高上聖人自在何能不一現應聲見高飛空而至達頂禮求哀願見救護高曰君業重難救當如之何自今以後依方等懺悔當得輕受達曰脫得苦報願見矜救高曰不忘一切寧獨在君達又曰法師與崇公並生何處高曰吾願生惡世救護衆生即已還生閻浮崇公常祈安養已累心矣達又問不審法師已墮何地高曰我諸弟子自有知者言訖奄然不見達密訪高諸弟子咸云是得忍菩薩至僞太平七年託跋耆果毀滅佛法悉如高言  
宋蜀安樂寺有釋普恒姓郭蜀郡成都人也爲兒童時嘗於日光中見聖僧在雲中說法向家人叙之並未信語後苦求出家止治下安樂寺獨處一房不

府

朱林八十四

十三

立眷屬習靖業禪善入出住與蜀韜律師爲同意自說入火光三昧光從眉直下至金剛際於光中見諸色像先身業報頗亦明了宋升時人謂是戲言將終之日微有病相唯緣家一奴看之明日平坐而卒手屈三指試將隨申申已還屈生時體黑死已鮮白於是大眾依得道法閣維續薪始然便有五色煙起殊香芬馥州蔣王玄載乃爲之贊曰大覺眇無像 懸應貴忘靖 一念會道場空過萬劫永 信心虛東想 遇聖藻西影妙趣澄三界 傳神四禪境 俗物故參差真性理恒炳 翱光寄浮世 遺德方化迥齊鄴西龍山雲門寺釋僧稠姓孫元出昌黎末居鉅鹿之瘦陶焉性受純懿孝信知名而勤學世典備通經史而道機潛扣歎歎世煩一覽佛經渙然神解初從道房禪師受習止觀次於趙州障洪山道明禪師所受十六特勝法嘗於鵲山靜處感神來繞抱肩築腰氣

噓頂上稠以死要心因證深定九日不起後從定覺情想澄然究略世間今無樂者便詣少林寺祖師三藏呈已所證跋陁曰自葱嶺已東禪學之最汝其第一矣乃更授深要即住嵩岳寺僧有百人泉水纔足忽見婦人弊衣挾簾却坐階上聽僧誦經衆不測謂爲神

也便訶遣之婦有慍色以足踢泉立竭身亦不現衆以告稠稠呼優婆夷三呼乃出便謂神曰衆僧行道宜加擁護婦人以足撥於故泉水即上涌時共深異威儀如此後詣懷州西王屈山脩習前法聞兩虎交鬪咆響振巖乃以錫杖中觸各散而去一時忽有仙經兩卷在于牀上稠曰我本修佛道豈拘域中長生者乎須臾自失其感幽顯皆此類也又移懷州馬頭山魏孝明宿承令德前後三召乃固辭不赴又移北轉常山定州刺史婁叡彭城王高攸等請至受法道俗奔赴禮賤填充爲名利所纏者說偈止之悉皆儉素齊文宣

序  
朱林八  
古

天保二年下詔曰 久聞風德常思言遇今勅定州令師赴鄴教化群生義無獨善希即荷錫暫遊承明思欲弘宣至道濟斯苦壤至此之日脫須還山當任東西無所留繫稠居山積稔業濟一生聞有勅召絕無承命苦相敦喻方遂允請即日拂衣將出山闕兩岫忽然驚震響聲悲切駭擾人畜禽獸飛走如是三日稠願曰慕道懷仁觸類斯在豈非愛情易守放蕩難持耶乃不約事留杖策漳滏帝躬舉大駕出郊迎之天下歸善皆由稠矣又於雲門山寺所住禪窟前有深坑見被毛之人偉而胡貌置金然火水將沸涌俄有大蟒從水中出欲入盆內稠以足撥之蟒遂入水毛人亦隱其夜因致男子神來頂拜稠云弟子有兒歲爲惡神所噉兒子等惜命不敢當固辭不赴又移北轉常山定州刺史婁叡彭城王高攸等請至受法道俗奔赴禮賤填充難稠索水澤之奄成雲霧時或讒稠於宣帝以倨傲無敬者帝大怒自來加害稠冥知之

生來不至僧厨忽無何而到云明有大客至  
多作供設至夜五更先備斗輶獨往谷口去  
寺二十餘里孤立道側須臾帝至恆問其故  
稠曰恐身不淨穢汙伽藍在此候耳帝下馬  
禮伏愧悔無已謂尚書令楊遵彥曰如此真  
人何可毀謗也乃躬負稠身往寺稠磬折不

齊

未林八上

十五

受帝曰弟子負師遍天下未足謝惲因謂曰  
弟子前身曾作何等答曰作羅刹王是以今  
猶好煞即祝益水令帝自視見其形影如羅  
刹像焉每年元日常問一歲吉凶後至天保  
十年云今年不能好文宣不悅帝問師復何  
如答曰貧道亦不久至十月帝崩明年即是

齊乾明元年四月十三日辰時絕無患惱端  
坐卒於山寺春秋八十有一當終之時異香  
滿寺聞者悚神勑慰懇懃令依中國闍維之  
法四部弥山人兼數万香柴十計日正中時  
以火焚之道俗哀慟哭響流川登有白鳥數  
百徘徊煙上悲鳴相切移時乃逝仍於寺之  
髮即樂禪伍嘗隱居泰山後奉

西北建以甄塔每有靈景異香應于道俗康  
存之日宣帝謂稠曰弟子未見佛之靈異頗  
得覩不稠曰此非沙門所宜帝遂強之乃投  
袈裟于地帝使數十人舉之不能得動稠命  
沙弥取之初無重焉因余篤信弥厚驗出四  
高僧隋益州響應山寺釋法進不知氏族

勑追入京住普光寺時遊終南山或來或往  
往嘗登山逢雪深厚不能得進忽有一虎近  
前弭耳俯伏慧融知其意乃乘之虎遂負融  
而上常有雙鳥於山林中前行引路至永徽  
初遷神於本寺寺僧於慧融房舍上見五色  
光起及於山中焚身肌骨摠銷唯心不爛此

二 驗出唐高僧傳中

法苑珠林卷第八十四

陳先書

府四

隕羽德切 穩拱切

法苑珠林卷第八十五六度之六

府五

大唐上都西臘寺沙門釋道世著撰

智慧部第六此別三部

述意部 引證部 慧益部

述意部第一 夫二種莊嚴慧名最勝三品  
次第智日無過故經言五度無智似若愚盲

所以波若勝出世間破除諸有釋論又言佛  
是衆生母般若能生佛是則智爲一切衆生  
之祖母故外書云叢哲欽明乃稱放動之德  
仁義礼智方曰宣尼之道當惟智慧之法不  
可不修出世之因無宜弗習能排巨暗譬滿  
月之照三途巧遣衆毒似摩祇之除万惡豈  
可任無恒沒守此長迷取相交纏我心繫結  
常多有愛恒富無明未達因緣不脩對治所  
以鬱鬱慢山殆高嵩華滔滔愛水遂廣滄溟  
或橫執斷常偏論即離神黃神白我見我知  
一脚桓翹五邊長炎食草學牛噉糞如犬或  
盛談下諦寧識中道之宗或封執四圍豈悟  
大乘之旨或謂冥初生覺其水不知世間定  
常唯此爲貴或復言非有想是證涅槃計自  
在天能成世界賴愚昏瞢庸魯頑疎著指求  
月守株求兔尚疑馳馬寧分菽麥雖知歡笑  
將糲三而不殊徒識語言與狂狂而不異良  
由不識空理常處無明凡是以心皆名邪見